

Հովտեմբ. վերջին. և յերեկոյին կատարեալ զնախատօնական ամենից սրբոց, եղև յանկար-
ծակի հոգէվար, զոր քահանայքս օծեցաք և ի հինգերորդ ժամու աւանդեաց զիր հոգին:

Յետոյ նոյեմբ. 29, հաւաքեցին յեկեղեցին կղերիկոսքն և ժողովրդապետն. և եղեալ ի միջի զսուրբ նշանն և սուրբ զԱւետարանն և նախ մատուցեալ նախ զպաղատանս առ սուրբ Հոգին, ընտրեցին ամենեքեան միաբան զմեղաւորս: Զոր ընտրութիւնն և ես ապա-
ւինեալ յաստուածային օգնութիւնն, և յաղօթս եղբայրութեան ձերոյ և ամենից սրբոց ընդունեցի:

Ահա զայս ինչ երիցս մինչև ցայսօր գրեցի սուրբ ժողովոյն և երկիցս սիրելութեան ձերում, որպէս զի և դուք հոգասջիք զմեզ աղօթիւք և գործով ստիպելով զասացեալ սուրբ ժողովն յայտնել մեզ փութով զկամս իւր. և վասն ձեռնադրութեանս ծանուցանել մեզ: Եթէ որ զտանեցիր որ եկեալ առ մեզ ձեռնադրեցէք զմեզ, այլ լինէր յոյժ մեծ ողորմութիւն. բայց զայս ոչ կարծեմ կարելի: Իսկ եթէ կամի զմեզ հրովարտակաւ իւրով առաքել յուրեք, մեք հնազանդ եմք ամենեւիմք և ի կամաց նորա կախեալ եմք:

Գարձեալ խնդրեալ էի ի ձէնջ յայտնել մեզ եթէ կարելի է զմի որ ի վարդապետաց ձերոց առաքել առ մեզ որ լիցի ընդ իս իբրև օգնական: Կան եթէ կամք է, զի առաքեցից առ ձեզ գերիտասարդ մի ընտրեալ, որ ի ձէնջ առաջնորդեալ ժամանակ մի դարձցի առ մեզ, հոգալով մեք վասն ծախուց նորա, զի մի լիցի ձեզ ծանրութիւն. և զայս յայտնեսջիք մեզ: Վասն հասանելոյ զրգուկիս և վասն տալագրութեան նորա, մինչև ցայժմ սպասեմ պատասխանւոյդ: Իւ յանձնելով զիս և զհամօրէն աստի եղեալ քահանայս հոգունակ սիրոյ ձերում, մնամ

1767 դեկտ. 16
ի մէրտին

Նուստ ծառայ
Յոհաննէս վարդապետ Թասպազեան

ՄԷԷ.

Հետագայ թուղթը կը ցուցնէ թէ կղզեկիս եկեղեցւոյն մէջ երգեհոն մը դնելու գաղափարը ե՛րբ, ինչպէս և որմէ՛ սկսեր է: Բայց թէ ինչո՞ւ իրականացած չ'է՛ անծանօթ կը մնայ ինձ:

Վերապատուելի տեառն տեառն Հայր Անդրեաս, և Հայր Ներսէս վարդապետաց մերոց, ողջոյն յոյժ բազում սիրով և կարօտիւ:

... Յաջողութիւն մի յաջողեցաւ աստուծով շինել տալոյ եկեղեցւոյ մերում զերգեհոն մի ընտիր յոյժ և փառաւոր, որպէս երկնէք ի բազմաց հետէ ի վերայ դրանն. և մի ասիցէք թէ ոչ ունիմք հարկանօղ. զի և զայն եթէ տարակուսիք առաքեսցուք աստի, և եթէ ունկնդիր չունիմք ասիցէք, մեք եկեսցուք յունկնդրութիւն: Արդ՝ քօռիէնով զրեցէք ինձ զպատասխանի թղթոյս վաղվաղակի, և թէ քանիով լինի յոյժ ընտիրն ամենայն զարդու և յօրինուածով իւրով իմացուցէք. և հրամանաւ Գերյարգելի արքայ հօր մերոյ որպէս գրեալ եմ առ նա մի բտ միոջէ, հաստատուն գրոյց արարէք թէ սկսանիմք զշինութիւնն, և ես տտի զծախսն աստուծով անվրէպ առաքեցից, զի հազար հինգ հարիւր դուռ զրեթէ ի ձեռին իմում ունիմ, և քան զտոյն աւելի քան գերկու հարիւր դուռ ի խօսք առեալ եմ. այլ եթէ յապաղիցէք զշինութիւնն ոչ լինի, զի տուօն զգրամն կամի յաւուրս իւր պարգևել զեկեղեցւոյ զերգեհոնն ընտիր, և ոչ եթէ զծախս երգեհոնի, վասն այնորիկ եթէ դուք ոչ կամիցիք շինել անյապաղ, հարկաւորի տալ այլում, և ես դաշնադրեալ եմ ընդ նմա զի յորժամ սկսանիւց լինիցին զերգեհոնն, մեք յայնժամ առաքեսցուք զծախսն. վասն այնորիկ մի յապաղէք, այլ վաղվաղակի ընդ առնուլ թղթոյս